

ԱՆԴՐԱՆԻԿԻ ՆԱՄԱԿՆԵՐԸ ՀՈՎՀ. ԹՈՒՄԱՆՅԱՆԻՆ

Անդրանիկն ու Հովհաննես Թումանյանը ծանոթացել են 1904 թ. դեկտեմբերի սկզբներին Թիֆլիսում: Նրանց ծանոթացրել է Մաքո Ծովանյանը (Սևաբեցի Մաքոն): Երկու մեծ հայերի միջև առաջին իսկ պահից ստեղծվում են ընկերական ջերմ հարաբերություններ: Այդ բարեկամությունը նորոգվում և առավել ուժգնությամբ է դրսևորվում 1916 թվականից: Ամենայն հայոց բանաստեղծին և ամենայն հայոց գորավարին մտերմացնում են թե՛ հայրենիքի անորոշ ապագայի ու արևմտահայության ճակատագրի նկատմամբ ընդհանուր մտահոգություններն ու այդ նպատակին անկեղծ նվիրումը, թե՛ անձնական նկարագրերն ու բնավորության որոշ ընդհանրությունները: Թումանյանը բազմիցս իր հրապարակային ելույթներով, ռուս, եվրոպացի և վրացի հեղինակավոր կամ պաշտոնատար անձանց հետ հանդիպումներով աշխատել է սատար կանգնել գորավարին, բացահայտել նրա անվան շուրջ պարբերաբար հյուսվող ասեկոսենների, ստահող լուրերի, պատմության միտումնավոր խեղաթյուրումների ու բամբասանքների սնանկությունը: Քաղաքական վայրիվերումներն ու գերբարդ ժամանակը մագաչափ անգամ չխարխլեցին նրանց բարեկամությունը: Ժողովրդական հերոսի գործունեության բանաստեղծի բարձր գնահատականի արտահայտությունն էր նաև նրա ամենամեծ զոհաբերությունը հայրենիքին, երբ Անդրանիկի կոչով նրա տրամադրության տակ դրեց իր 8 չափահաս երեխաներին՝ չորս որդիներին՝ իբրև զինվոր, չորս դուստրերին՝ իբրև գթության քույր:

Անդրանիկի ժամանակից մինչև օրս հայ քաղաքական շրջանակներում, ինչպես նաև հայ պատմագիտության մեջ հնչում են տարբեր կարծիքներ, երբեմն իրարամերժ գնահատականներ ժողովրդական հերոսի 1916–1919 թթ. գործունեության մասին: Մեր նպատակը չէ դրանց անդրադառնալը և գործող մոտեցումների հիմնավորվածության ու փաստարկումների էությունը ներկայացնելը: Դա պատմաբանների խնդիրն է: Կուզենայինք նշել միայն, որ Անդրանիկը մինչև Անդրկովկասից հեռանալը ամենից շատ վստահում ու սիրում էր իր մեծ բարեկամին, և ամենայն հայոց բանաստեղծին ուղղված նամակներում նա միանգամայն անկեղծ էր: Յուրաքանչյուր պատեհ առիթի Անդրանիկը Թումանյանին ներկայացնում էր իր գործունեության մանրամասները, պատմում իրեն տանջող հարցերի մասին:

Հրապարակվող նամակների մի մասը գրված է Անդրանիկի ձեռագրով, մյուսները՝ նրա թելադրությամբ՝ գորավարի քարտուղարի ձեռքով: Բոլոր նամակները՝ բացառությամբ 1918 թ. նոյեմբերի 22-ի նամակի, պահվում են Ե. Չարենցի անվան գրականության և արվեստի թանգարանում (այսուհետև՝ ԳԱԹ)՝ Թումանյանի ֆոնդում (այսուհետև՝ ԹՖ): Իսկ 1918 թ. նոյեմբերի 22-ի նամակի բնագիրը պահվում է Հայաստանի ազգային արխիվում (այսուհետև՝ ՀԱԱ): 12 էջ կազմող ինքնագիրը լի է ջնջումներով՝ այդ թվում ծավալուն հատ-

վածների, որոնք նույնպես տեղեկատվական բնույթ են կրում և օգտակար են ժամանակի պատմաքաղաքական իրադրությունը պատկերացնելու համար: Նամակն ամբողջությամբ հրապարակվում է առաջին անգամ, թեև նրա որոշ հատվածներ տպագրվել են ինչպես ժամանակի մամուլում՝ Թումանյանի ներկայացմամբ, այնպես էլ ավելի ուշ՝ պատմաբանների և թումանյանագետների, մասնավորապես Ծատուր Աղայանի և Լուսիկ Կարապետյանի կողմից¹: Մնացյալ նամակները ամբողջությամբ հրապարակվում են առաջին անգամ:

Մեծ գորավարի և ժողովրդական հերոսի՝ գրողին ուղղված նամակները բացի երկու գործիչների կենսագրության կարևոր փաստ լինելուց, նաև պատմական վավերագրեր են, որոնք արտացոլում են մեր ժողովրդի գերբարդ շրջանի քաղաքական և ռազմական իրադարձությունները, վերջիններիս հանդեպ նամակագրի մոտեցումները: Առաջին ինը նամակների տեքստերը բնագրից կարդացել և վերծանել է Իրիտա Վարժապետյանը, իսկ նույնների 22-ի նամակը Սուսաննա Հովհաննիսյանը: Առաջաբանն ու ծանոթագրությունները՝ Սուսաննա Հովհաննիսյանի:

ՍՈՒՄԱՆՆԱ ՀՈՎՀԱՆՆԻՍՅԱՆ,
ԻՐԻՏԱ ՎԱՐՇԱՊԵՏՅԱՆ

– 1 –

1916, 19-ր հուլիսի, Պյատիգորսկ²

Միրելի՛ Հովհաննես,

Մտացա նամակդ³. գրեթե մխիթարական ոչինչ չէիր գրած:

Իմ առողջությունս գրեթե լավ չէ. բժիշկներու տված խորհուրդները կկատարեմ. ցեխի վաննա, էլեկտրական լուսի վաննա-մասսաժ:

Մտադիր եմ այս ամսվա վերջը, օգոստոսի սկիզբը գնալ Թիֆլիս:

Ես ոչ մի տեղից լուր չունիմ. մեր Երվանդը⁴ գրած էր երկու անգամ: Կցավիմ, որ պ. Իսպենդերյանը նույնպես հեռացել է⁵: Գրած ես, որ ճառ խոսելու

¹ Ծ. Աղայան. Հայ ազգային-ազատագրական պայքարի հերոս գորավար Անդրանիկ.– «Կանչ» (շաբաթաթերթ, Բեյրութ), 25. IX. 1982, էջ 6, Լ. Կարապետյան. Հովհ. Թումանյանի հասարակական գործունեությունը (Դրվագներ), Երևան, 1992, էջ 224: Թումանյանը Անդրանիկի նամակից քաղվածքներ է ներկայացրել Երևանի Հորիզոն օրաթերթին, որտեղ այն տպագրվել է իբրև նամակ ուղղված անձնական բարեկամներից մեկին՝ «Անդրանիկի կռիվները» վերնագրով [տե՛ս Երևանի Հորիզոն (Թիֆլիս), 18. XI. 1918]: Հենց այդ պատճառով նամակը մնալով խմբագրությունում՝ դուրս է մնացել բանաստեղծի անձնական արխիվից և այսօր տեղ է գտել ՀԱԱ պահոցներում: Հասցեատիրոջ անունը, անշուշտ, միտումնավոր է բաց թողնվել, հավանաբար, Անդրանիկի նամակին հողվածի բնույթ և ավելի մեծ հասարակական հնչեղություն տալու նպատակով:

² Բնագրում՝ Պերկանսկ:

³ Թումանյանի նամակը չի պահպանվել:

⁴ Խոսքը Երվանդ Փափագյանի մասին է, ով Անդրանիկի քրոջ՝ Նազելիի որդին էր և հավատարիմ թիկնապահը:

համար խելոք մարդիկ չունենք: Միայնում ես, մինակ դուն հրավիրե. տե՛ս որ-
չափ հավաքվեն գլխիդ սովորական սոխակներ ...

Եթե հայ ազգից կպակսին խելոք մարդիկ, ճապոնացի վերցնենք⁵ ...

Պեկզադայաններու⁷ մոտ չեմ գնացած: Երկու անգամ գացի Ահարոնյանի⁸
մոտ. ապրում է: Ինչպե՞ս է քո առողջությունը:

Կհուսամ, որ շուտով դուն ալ Թիֆլիս կլինես. կխոսանք: Ընդունիր ջերմ
բարևներս: Նույնպես հայտնիր ձեր տնեցիներուն հարգանքներս:

Կհկային⁹ բարևներս. պեպեքին¹⁰ համբուրեք ու հարցուցեք. դե՛ հուր,
դե՛ սուր...»:

Անդրանիկ

ԳԱԹ, ԹՖ, -888 (499): Ինքնագիր:

- 2 -

1917, 4-ը հոկտեմբերի>, Նոր Նախիջևան¹¹

Միրելիս, Օհանես,

Քեզ քարտ մը գրեցի, ստացած կլինես¹²:

Հանգիստ եմ, կհուսամ որ դուք ևս լավ եք:

Քեզ նեղություն մը պիտ տամ: Խնդրեմ տեսնես Հուսիկ վարդապետին, որը
Ս. Խաչ վանքի վանահայրն է, եկած է Կիսլովոդսկի¹³: Վանքը ունի վեցեն ութ
դեսիատին հող մը, որը բանջարանոց մե: Այդ տեղը պուլկարի մը ձեռքն է, օրը

⁵ Իսպենդերյանը հասարակական գործիչ, Հայոց ազգային բյուրոյի անդամ, իրավաբան, մանկավարժ Հովհաննես Միսնի Սպենդիարյանն է, ով այդ օրերին հրաժարվել էր բյուրոյի անդամությունից:

⁶ Ծաղրում է Ազգային բյուրոյի նիստերից մեկում բյուրոյի նախագահ Մամսոն Հարություն-
կյանի արտահայտած այն կարծիքը, ըստ որի՝ Հայկական հարցի վերջնական լուծման համար
կարելի է դիմել ճապոնիային, որը, իբր, կարող է գենքով օգնել:

⁷ Նկատի ունի Թումանյանի մտերիմներին՝ մանկական ստեղծագործությունների և ճամ-
փորդական տպավորությունների գրքերի հեղինակ Հեղինե Մելիք-Հայկազանին և նրա
ամուսնուն՝ հասարակական գործիչ, 1917 թվականից Հայոց ազգային խորհրդի անդամ Տիգրան
Բեկզադայանին:

⁸ Ըստ ամենայնի՝ նկատի ունի գրող, հրապարակախոս, դաշնակցական գործիչ Ավետիս
Ահարոնյանին:

⁹ Կիկան (Գիգա)՝ իրավաբան, ՀՀ նախարարների խորհրդի կառավարիչ, քաղաքական գործիչ,
գրականագետ, Թումանյանի դստեր՝ Աշխենի ամուսինն է՝ Գևորգ Հովհաննեսի Խատիսյանը:

¹⁰ Պեպեքը Աշխեն Թումանյանի և Գևորգ Խատիսյանի որդին է՝ Հովիկը, այդ ժամանակ երկու
տարեկան էր:

¹¹ Բնագրում՝ 4-ը հոկտ., Ն. Նախիջևան:

¹² Չի պահպանվել:

¹³ Այդ միջոցին Թումանյանը Պյատիգորսկում և Կիսլովոդսկում հանգանակություն էր կազ-
մակերպում Կովկասյան ռազմաճակատին և գաղթականությանը օգնելու համար, միաժամանակ
կրթված մտավորականների անդամագրում էր հայկական ակադեմիա և համալսարան ստեղծելու
նպատակով իր հիմնադրած Հայկազյան ընկերությանը:

լրացած է. խնդրեմ խոսաս, որ ինձ հասկացնեն այդ տեղը: Խոսա նաև և պ. Չալխուշյանին¹⁴. Ի՞նչ նորություն ունիս:

Երվանդը¹⁵ հոս էկավ, շուտով կգնա Թիֆլիս. երկու տող կգրես պ. Պապա-ճանյանին¹⁶, որ խնդիրս առնե ու դրկե, այդ մասին պոլկովնիկ Պեժանպեկով¹⁷ պետք եղած ձևականությունները ըրած է:

Բարևներս ծանոթներին, հարգանքներս օրհորդներուն, համբույրներով՝

Անդրանիկ

Հ. Գ. Ինչպես եղավ ժողովարարության արդյունքը, բժիշկ Մուրադյանին թով նամակներ ունիմ, դրկես: Նամակներս այս հասցեով կդրկես:

Նույն

ԳԱԹ, ԹՖ, -889 (500): Ինքնագիր

- 3 -

1918, ապրիլի առաջին կեսերին,
<Ալեքսանդրապոլ>¹⁸

Միրելիս Օհանես,

Համլիկը¹⁹ էկավ և պատմած կլինի ամեն բան:

Թոթովենցը նոթ է ըրած շատ մը խնդիրներ²⁰:

Երեկ Ահարոնյանը²¹ և Վահան Փափագյանը²² էկան քովս՝ հարցնելու: Լուր դրկեցի, որ ուրիշներից հարցնեն: Իմ քսան ամսվա ըսածներս սուտ էր, չի հավատացին. հիմա ի՞նչ կհարցնեք ինձնից:

Վերջապես էկան, տեսան, նորից կոկորդիլոսի արցունքներ թափեցին և մեկնեցին Մարիդամիչ²³:

¹⁴ Խոսքը նորնախիջևանցի հասարակական - մշակութային գործիչ Գրիգոր Խաչերեսի Չալխուշյանի մասին է:

¹⁵ Նկատի ունի Երվանդ Փափագյանին. տե՛ս նախորդ նամակի թիվ 4 ծանոթությունը:

¹⁶ Նկատի ունի իրավաբան, հասարակական գործիչ, Ռուսաստանի պետական չորրորդ դու-մայի պատգամավոր, Հայոց ազգային բյուրոյի անդամ Միրայել Պապաջանյանին (Բաբաջանյան):

¹⁷ Խոսքը վերաբերում է Էրզրումի պաշտպանության մասնակիցներից Պավել Պեժանպեկովին (Բեժանպեկով), ով 1918 թ. Էրզրումի ճակատամարտում դավաճանել է Անդրանիկին:

¹⁸ Անթվակիր է, ժամանակը որոշվում է Անդրանիկի՝ Ալեքսանդրապոլում գտնվելու, ինչպես և Հայոց ազգային խորհրդի գեկավարութան Թիֆլիսից Ալեքսանդրապոլ մեկնե-լու փաստերով («Հորիզոն», 5. IV. 1918):

¹⁹ Համլիկը Թումանյանի հինգերորդ զավակն էր՝ երրորդ որդին, գրող, թարգմանիչ, ՀՀ պառ-լամենտի դիվանատան վարիչ, ստալինյան ահաբեկչության զոհերից (1896-1937): Նա կոչումով պորուչիկ էր, Էրզրումի ռազմաճակատում գորավարի համհարզը:

²⁰ Նկատի ունի Ն. Պոյաճյանի և Վ. Թոթովենցի հարցազրույցը («Մշակ», 26. III. 1918):

²¹ Այդ շրջանում Ավետիս Ահարոնյանը Արևելահայ ազգային խորհրդի նախագահն էր: Երբ Հայաստանի կառավարությունը դեռևս կազմավորված չէր, Ազգային խորհուրդն իրեն հայտարարել էր Հայոց գերագույն մարմին:

²² Վահան Փափագյանը (Գոմս) Արևմտահայ ազգային խորհրդի և ՀՀ պառլամենտի անդամ էր, Հայաստանի ապահովության խորհրդի նախագահ, գրող Վրթանես Փափագյանի եղբայրը:

Ոտքս ցավում է, ոսկորին խրված է ըշտիկ մը, սափոքս շորերս ծակած է, հույս ունիմ, որ քանի օրից, լավանա:

Եկան քովս օրիորդները՝ Նվարդը²⁴ և Անուշը²⁵:

Հեռագիրս ճշտությամբ չէին տպած, որսատեղի դավադիրներու ոհմակի մը մեջ ընկա՞ր²⁶:

Այսպիսի բան չէի կրնալ երևակայել:

Բարևներով՝ Անդրանիկ

Հ. Գ. Ահարոնյանը և Փափագյանը խնդրեցին, որ մնամ Ալեքսանդրապոլ՝ մինչև իրենց վերադառնալը: Մտադիր եմ Ղարաքիլիսե գնալ:

ԳԱԹ, ԹՖ, -896 (507): Ինքնագիր:

- 4 -

1918, 22/4 նոյեմբեր, Գորիս

Հարգո Միրելի
պ. Հովհաննես Թումանյան

Ճանապարհներու և հաղորդակցությանց խափանման հետևանքով մոտ յոթը ամսվա ականա կղզիացումե վերջ, այսօր քիչ շատ հանարավորություն կունենամ գրելու Ձեզ և հայտնելու այն ամենը²⁷, ինչ-որ կատարվեցավ իմ շուրջը այդ ժամանակամիջոցի ընթացքին²⁸:

Կովի ժամանակ միշտ հառաջապահ դիրքերու մեջ, իսկ քաշվելու ժամանակ ամենեն վերջը. գաղթականությունը՝ միշտ առաջը ձգած Հայկական առանձին հարվածող զորամասը, իր դերը կատարեց, անշուշտ, իր կազմութենեն, 10 ապրիլ <1918, ի վեր Ալեքսանդրապոլին> մինչև Դիլիջանի շուրջը

²³ Անդրանիկը նեղացած էր Ազգային խորհրդի ղեկավարներից, ովքեր դեմ էին եղել նրա՝ Էրզրումի ռազմաճակատ մեկնելուն:

²⁴ Նվարդը Թումանյանի երրորդ զավակն էր, երկրորդ դուստրը, բանասեր, գրականագետ, թումանյանագետ, հրատարակիչ, բազմաթիվ գրքերի ու հրապարակումների հեղինակ:

²⁵ Անուշը Թումանյանի վեցերորդ զավակն էր, երրորդ դուստրը:

²⁶ Խոսքը վերաբերում է Էրզրումի ռազմաճակատի իրադրությանը, ռազմական գործիչների հետ տարաձայնություններին և մի շարք զինվորականների դավաճանությանը:

²⁷ Այստեղ զորավարը գրել, այնուհետև ջնջել է հետևյալ տողերը. «1918 թ. ապրիլի 10-ին Ալեքսանդրապոլի մեջ կազմակերպեցի Առանձին նորաժող Ջորամասը մոտ <1 անընթ> հոգիե բաղկացած գրեթե ամբողջապես թուրքահայերից ... Ամիրիջանյան Գորսակ հրամանատարի հրամանով դեպի ... «: Հնարավոր է, հրամանատարի անունը սխալ ընթերցված լինի, քանի որ ջնջված լինելու պատճառով գրեթե անընթեռնելի է:

²⁸ Ճանապարհների փակ լինելու պատճառով Գորիսից Թիֆլիս ուղարկված այս նամակը շատ դժվարությամբ պետք է տեղ հասներ, հասցեատիրոջ համար նույնպես դժվարություններ պետք է ստեղծվեին, ուստի նա պետք է սպասեր համապատասխան առիթի՝ Գորիս ուղարկելու, և այդ առիթը դառնում է Դավիթ Անանունի պաշտոնական գործով Գորիս գնալը:

տեղի ունեցած պատմական ընդհարումների միջոցին: Հունիսի սկզբներուն, Ն. մ. Ջորամասը կգրավեր Դիլիջան՝ իբր սահմանապահ զորամաս, իբր սպիտակ դրոշակով թող Բայթումին մեջ պատգամավորության մը հայտնի, թե հաշտությունն արդեն կնքված է թուրք կառավարության և Հայաստանի Հանրապետության միջև:

Հաստատուապես վերահաս լինելով հաշտության դաշնագրի բոլոր այն նվաստացուցիչ և որևէ հեղափոխական հայու համար անհանդուրժելի պայմաններուն, որով հայությունը կհամաձայնէր թաղել իր դարերու երազը, ընդունել չափազանց նեղ և ամենաանպետք երկրամասի մը Հայաստան կազմելը, թույլ կուտար թշնամի ուժերու ամեն կերպ օգտվել բոլոր տեսակի փոխադրական միջոցներէ և ճանապարհներէ, այն ատեն ինձ անհնար թվաց, որ կարենամ իմ զորամասով մնալ որևէ դիրքի վրա և թույլ տալ, որ թշնամի ուժը անցնի գնա կովելու համար դաշնակից, ազգակից ուժի մը դեմ. այդ պարագան ինձ համար ավելի քան անհանդուրժելի էր, հետևապես անմիջապես տեղեկացուցի կորպուսի հրամանատարության, որպեսզի ուրիշ ուժեր գան, և փոխարինեն իմ զորամասը:

Այդ պահանջէս վերջ նկատի ունենալով այն լճացած, ստրկացած մթնոլորտը, բոլոր այն երևակայելի դժբախտությունները, որոնք կսպառնային Հայկ <ական> Հանրապետության և հայ ժողովրդին, վճռեցի անցնել Պարսկաստանով և միանալ դաշնակից անգլիական բանակին, որու շնորհիվ միայն կհուսայի փրկել թրքահայության վերջին բեկորները: Իմ այս որոշումը հաղորդեցի մասնավոր պատգամավորներու միջոցով Վեհ <ափառ> կաթողիկոսին, Հայաստանի Ապահովության խորհրդի Երևանի մարմնին, տաճկահայ զորամասերուն և առհասարակ թուրքահայ ժողովրդին:

Իմ ցանկությունն էր, որ թուրքահայ զինված մասը դուրս գա այդ սահմաններէն, իսկ գաղթականությունը տեղավորի Հայաստանի սահմաններու մեջ, համեմատաբար ապահով շրջանները՝ Նոր Բայազետ, Ախտա և Դարալագյազ:

Դժբախտաբար տաճկահայ զորամասերը զանազան պատճառներով հարկավոր փութկոտությամբ չմիացան զորամասիս, և միայն փոքր խմբակներ աճապարեցին ինձ մոտ, այն ալ՝ ուշ: Ջորամասը գնալով ստվարացավ և Նոր Բայազետէն մեկնելուս անոր թիվը հասավ մոտ 3500, 2 թնդանոթով և 6 փուլիմոթով: Մյուս կողմանէ ալ դժբախտաբար գաղթականությունը, ամբողջ ճանապարհին, հակառակ իմ հորդորներուս, չթողեց զորամասը և, ամեն տեղ հետնեցավ անոր, նույնիսկ առաջ անցավ և իր անկարգություններովը և սանձարձակություններովը մեծագույն հարվածը տվավ զորամասի թե՛ ռազմական, թե՛ պարենավորման գործին և թե՛ առհասարակ անոր հմայքին:

Հունիսի 12-ին / ն. տ. / մեկնեցա Նոր Բայազետէն դեպի Ղարանլուղ, ուսկից Քարգլուղ, Քեշիշքենդ, Հախլու, Ազատեն, Միս, Սուլթանբեկ, Մալասուչ, Խալխալի միջով անցա Նախիջևան:

Հունիսի 20-ին հասնելով Նախիջևան, մի քանի տեղով քանդել տվի երկաթուղու գիծը, թունելները, խափանելու համար Շահթախթի կողմէն որևէ փորձ կրնակս անցնելու: Երկու օր հետո հանկարծակի բերելով մանյովրով մը Ջուլֆայի մեջ (որպես թե գաղթականությունը անցնելու համար հայ և թուրք

պատգամավորության ներկայացուցիչ) անցա Արագի կամուրջը՝ գերի վերցնելով թուրքական 20–25 ասկյարներ երկու օֆիցերներով:

Պարսկաստանի մեջ գտնված դաշնակից ուժերու մասին ոչ մի ստույգ տվյալ չունենալով, վճռեցի անցնել Խոյի վրայով, Մալմաստ, ուր կար ասորական երկու պաթալեռն և չորս պաթալեռն Ուրմիա և Վանի զինված հայկական ուժը, որոնց հետ միանալով՝ կհուսայի հառաջ բերել ակտիվ գործունեության համար բավարար ուժ, հետևաբար ավելի հարմար նկատեցի գնալ Խոյի ուղղությամբ:

Երկու օր հետո Սեյիտավարե 16 վերստ այս կողմ՝ Էվակնու թուրք գյուղի թղի բարձունքին վրա ունեցա առաջին ընդհարումը թուրքական կանոնավոր պաթալեռնի հետ: Այդ օրը միայն ձիավորներով ջախջախիչ հաղթություն տարի այդ ուժի դեմ և գերեցի 2 թնդանոթ և 3 գնդացի: Նույն օրը զիջերով մտնելով Սեյիտավար՝ գտանք միայն 12 տեղացի հայեր, որոնք հայտնեցին, թե Սեյիտավարը կոտորված է արդեն նախապես, և որ ասորիները՝ թուրքական ուժերու ձնշման տակ քաշվեր են Ուրմիա և թե Մալմաստը ամբողջովին գաղթած է:

Այս պարագան վճռական ազդեցություն ունեցավ գորամասի գործունեության համար: Ինը օր առաջ այդ շրջանը եկած էր մեկ դիվիզիա տաճկական գորք, այնպես որ դրությունը լրջացած էր:

Հաջորդ օրը՝ հունիսի 24-ին, Խոյի առաջ տեղի ունեցավ մեծագույն ճակատամարտը: Առավոտուն թշնամի ուժերը սակավ էին, և մեզ հաջողվեց մտնել քաղաքի մի մասը, բայց կեսօրե վերջ թշնամին օգնական ուժ և հրետանի հասնելով, վերոհիշյալ տվյալներուն վրա հնարավորություն չտեսա ավելի հառաջանալու, և գորամասը նահանջեց՝ տալով մոտ 70 սպանված և մոտավորապես նույնքան ալ անհայտ:

Այս անհաջողության մեջ իր բաժինն ունեցավ նաև հրամանատարներեն մեկու գործած սիալը, որով հնարավորություն տվավ թուրք ձիավորներուն անցնել մեր թիկունքը, և գաղթականության հառաջ բերած փանիքան:

Աճապարեղով վերադառնալ Ջուլֆա, այնտեղ հավաքեցի գորամասը և ուզեցի անցնել Ղարաբաղ: Ճանապարհին, սակայն, թուրքական Յայճի գյուղը ընդդիմություն ցույց տվավ, պահանջելով մեզմե 10 000 ռ. վճարք: Մի ժամկալ ընթացքին գյուղը մաքրվեցավ, և ձեռք ձգեցինք 2 թնդանոթ:

Անցանք Ազատ և Տեր գյուղեր: Այստեղ գորամասն ունեցավ իր ամենեն դաժան օրերը: Հոգնածության, սնունդի բացակայության, Խոյի ճանապարհին խմած կեղտոտ ջուրերու և տաքի հետևանքով հառաջ եկավ համաճարակ: Բժշկական միջոցները անբավարար, և ահա հառաջ եկավ գորամասի մեջ թուլացում և լքում: Ուտելիքը գորքը իր ձեռքով կհայթայթեր՝ արտերե քաղելով և ուտելով: Մոտավորապես 200 զինվոր մեռան հիվանդութենե, մեկ մասը, մոտ 400 հոգի, լքեց բանակն ու անցավ Ղարաբաղ: Կուզենայի բանակս մի քանի օրով հանգստացնել այդ շրջանը և ապա, կազդուրվելե վերջ, անցնել Ղարաբաղ: Այդ միջոցին Նախիջևանը անհանգիստ էր. Թուրքերը թոռցիկներով հայտարարած էին, թե 3 օրեն կմտնեն Նախիջևան. Հաղորդագրություն կար, թե բոլշևիկները եկած էին Մուսսալու, և թե անգլիացիք Թավրիզ են, որ Թուրքիո մեջ հեղափոխություն կա: Տեղական հայությունը մտահոգ էր իր դրության մասին, և ահա շրջանի լիազոր Աշոտ Մելիք-Մուսայանցը և պորու-

չիկ Խարազյանը դիմելով ցանկություն հայտնեցին, որ գործառնալ անցնի Նախիջևանի շրջանը, որ տեղական ուժերն ալ դրվեն իմ տրամադրության տակ, որ ես դիկտատոր լինեմ, և շրջանը հայտարարվի Ռուսաստանի անբաժան մաս, որ ստեղծվի կառավարություն 7 փոքրվելներով, և խոստացան հանել տեղական 6000 զինված ուժ: Այս առթիվ հրատարակված փաստաթղթերեն դուրս ինձ մոտ կմնան փաստաթղթեր, որոնց հրատարակումը կմնա ապագային:

Ձորամասով միասին անցնելով Ապրակունիս՝ ձեռնարկեցի կազմակերպության և ազգաբնակչության զինաթափման գործին: Այդտեղ երևան եկավ տեղական կազմակերպություններու անօգնականությունն ու անկերպարան վիճակը և ազգաբնակչության անբարյացակամությունը²⁹: Ոչ զինվորներու մուսուլմանացիան, ոչ գործառնալ պարենավորումը, ոչ ձիերի ու տեստը և ոչ ալ զինվորներու այլ (շորեր, կոշիկ) կարիքները ամենափոքր չափով չկատարվեցան ու չբավարարվեցան: Մյուս կողմանե դեպքերը գահավիժեցին, և մինչ գրադված էինք շրջանի զինաթափման գործով, Նախիջևանի վրա արշավեցին Շահաթախթեն և միաժամանակ Ջուլֆայի ուղղությամբ տաճկական ուժեր, երկու պոլկ: Լիազորներու ժողովեն մինչև կոշիկը տևեց 6 օր: Միսիան մնաց նաև Մասունի պոլկի 300 զինվորները, որոնք, սակայն, Յապոնի հրավերի վրա շուտով մեկնեցան Դարալազյազ: Տեղական ուժերը անկազմակերպ և շատ սակավ, իսկ առանձին հարվածող գործառնալ անբավարար և ուշացած: Հետևաբար Նախիջևանը թողնվեցավ, և գործառնալ ուժասպառ, հյուծված Կզնաուրի և Ղազախի թևերով քաշվեցավ Բիստ:

Այնտեղեն գործառնալ Նասրվանով և Օխձիի ձորով անցավ Ղափան-Կարթալի գավոռ: Պարենավորման դժվարությունը ստիպեց ինձ անցնել Գորիս, ուր կիռուսայի գտնել տեղական օժանդակություն: Սակայն խոստացած ջերմ օժանդակությունը չգտնելով և մյուս կողմանե ոչ մի միջոց չունենալով զինվորներու կարիքները բավարարելու՝ հայտարարեցի զինվորներուն, որ ամեն ոք ազատ է՝ ուզողը կմնա, ուզողը կրնա հեռանալ: Այս կերպով գործառնալ մի մասը հեռացավ և գնաց դեպի Երևան: Ես ևս, ուզելով անցնել Միսիան, ճանապարհին ստիպվեցա գտնվել Զանգեզուրի Կենտրոնական Ազգային խորհրդի և Շուշինսկի պոլկի ներկայացուցչի հրավերով Աղուտի-Վաղուտի թուրքական գյուղերը, որոնք ամիսներ ի վեր ճանապարհը փակած էին և սպանած բազմաթիվ անցորդներ: Անցնելով Միսիան՝ զինակիցներես գլխավորները (Արտաշես, Մմբատ)՝ իրենց խմբապետներով և զորքով, աճապարեցին անցնել Հայկական Հանրապետության սահմանները, թեև իրենց առաջարկեցի մի ժամանակ ևս մնալ, բայց չլսեցին: Իսկ ես որոշած էի չմտնել այդ սահմանները, այլ անցնել ուրիշ ուղղությամբ: Իսկ ճիպե՞ճին և Պոնապարթը 75 ձիավորով գնացին՝ ցանկանալով անցնել Ղարաբաղով Թավրիզ, բայց մնացին Մեղրի, ուր են այժմ:

Մեպտենբերի 4-ին Միսիանի մեջ տեղի ունեցավ ժողովուրդի գյուղական ներկայացուցիչներու ընդհանուր ժողով, որոնք միաձայն խնդրեցին ինձ գործառնալ հետ մնալ Միսիան՝ թե՛ տեղի պաշտպանության, և թե՛ ինքնապաշտ-

²⁹ Նախ գրել է «Հահախնդրություն», հետո ջնջել է և փոխարինել «անբարյացակամություն» բառով:

պանության գործի կազմակերպման համար: Մնացին նաև Սասունի պոլկի 700 զինվորները, որոնք սակայն Յապոնի հրավերի վրա շուտով գնացին Դարալագյազ: Մի քանի օր իմ գործառնակ կազմակերպումով զբաղվել է վերջ, ունեցա մոտ 12 000 զինվոր, որմե 3 բոտա, 540 հոգի ոտավոր, 400 ձիավոր, 40 փուլիվոր, 110 աբոզ և բժշկական սանիտարներ և այլն: Ապա ձեռնարկեցի Միսիանի զինվորական ուժի կազմակերպման և հայտարարեցի գորահավաք 20-30 տարեկաններու, որու հետևանքով մեջտեղ եկավ երեք բոտա, որոնք դասավորվեցան հետևյալ տեղերը. առաջին բոտա Գյումրի-Գժաքար³⁰: Երկրորդ՝ Բազարչայ-Ղալաճը, երրորդ՝ Բոնոջյա-Թագազյուղ <Այելու>: Սեպտեմբերի 10-ին ռազմական տեսակետով Միսիանը ապահովեցնելու համար Ղազանչիի ուղղությամբ գալիք գործերու դիմաց՝ դարձյալ Միսիանի ժողովրդական ներկայացուցիչներու որոշմամբ՝ քանդեցինք ու ավերեցինք ճոճարթու, և մասամբ Արասիս թրքական գյուղերը, որու հետևանքով ամբողջ Միսիանը վերածվեցավ հայկական շրջանի:

Այդ օրերուն տեղի ունեցած է Գորիսի շրջանի մեջ Զապուչի ձախող գործողությունը: Շուշինսկի և Գանձակի գործառնակները, թվով 300 հոգի, իրենց պահեստներով ուզած էին անցնել Շուշի, որը ինքզինքնին անկախ հայտարարել է վերջ ակնդետ կապասեր ռազմամթերքի Շուշի հասնելուն, և համաձայն տրված հրահանգի՝ հարկավոր քանակությամբ սայլեր և զինվորներ դրկված էին արդեն Զապուչի և Հաքարլուի ձորերու մյուս կողմը գտնված Ղարաղլաղ գյուղը, որու ժողովուրդը հայտնի է իբրև լավ կոպողներ: Որոշված օրը ձորի երկու կողմն ալ գործողություն ձեռնարկելով կփորձեն բանալ ճանապարհ, սակայն Գորիսի շրջանի տեղական ժողովուրդի չկամության, օգնության չփութալուն և Շուշինսկի պոլկի բալկոնիկի կողմե անտակտ և թեթև վերաբերմունքին հետևանքով դարաղլաղցի կմնան մինակ, և թուրքերը, համարձակություն ստանալով, Թերքեմենի հետ միասին կքանդին ու կայրին գյուղը, իսկ բնակչությունը կգաղթե դեպի Շուշի:

Այս հաջողությունեն քաջալերված տեղական թուրքերը կփորձեն երկու ճակատով հարձակվիլ Զանգեզուրի վրա՝ Գորինձոր և Խանաճախ – Խազնավարի ուղղություններով: Այդ հարձակման հետևանքով Զանգեզուրի Ազգ-ային՝ խորհուրդն ու ազգաբնակչությունը կրկնակի պատգամավորություններով և համախոսականներով կխնդրեին, որ իմ գործառնակ շտապ իրենց օգնության փութալ: Այս կոչերուն, անշուշտ, չէի կրնար անտարբեր մնալ, ուստի սեպտեմբերի 16-ին շարժվեցա դեպի Գորիս: Մինչև հասնելս, սակայն, շնորհիվ ռազմամթերքի առատության, տեղական ու գաղթական զինված ուժերուն հաջողվեր էր ետ մղել հարձակվողները, պատճառելով անոնց զգալի կորուստ՝ 200-300 մարդ:

Մինչև այդ, հարաբերությունը Շուշիա հետ կորսված էր, մանավանդ Դարաղլաղի այրումով: Այդ օրերուն տեղի թուրք և հայ իշխանությանց հրահանգով Շուշուց Գորիս եկան երեք զանգեզուրցիներ՝ պատմելու այն, ինչ որ տեսած էին այնտեղ ...: Անոնք պատմեցին, որ թուրքերը գրաված են Բաքուն, մտած են Շուշի, ուր սեպտեմբերի 24-ին մի քանի գյուղ քանդել է վերջ, քաղաքը հանձնված է և զինաթափ եղած, որ քաղաքի զինված ուժը քաշվեր է գյու-

³⁰ Հնարավոր է, նկատի է ունեցել Գժաձորը:

դերը, և թե շրջանները ոչ մեկ պայմանով չեն ուզեր հպատակվիլ. միաժամանակ թուրքերը ուղարկած էին պաշտոնագիրներ Գորիս բնակող զանազան անձնավորություններու՝ նշանակելով անոնց զայնազամ Գորիսի և Միսիանի:

Շուշիի անկման լուրը ազդեց Ջանգեզուրի տրամադրության վրա: Եղավ ընդհանուր ներկայացուցչական ժողով, որ առաջի դիրքի վրա գտնված գյուղերու որոշումն էր՝ անպայման կովել, իսկ քաղաքացիների մի մասը երկմիտ էր: Վրդովված քաղաքացիներու ցույց տված այդ վերաբերմունքեն, մասամբ քաշվեցա Միսիան, ուր շրջանի՝ ներկայացուցիչների՝ ժողովը, նկատի ունենալով բուլղի դժվարությունը, միաձայն որոշեց կովել, և հետևաբար հայտարարեցի երկրորդ գորակոչ մինչև 40 տարեկաններու: Այս գորակոչի հետևանքով կազմվեցավ նախկին 3-ի հետ միասին ընդամենը 7 բոտա, որոնց վրա ավելացնելով իմ գորամասի 3 բոտան, Շուշիսկի 1 բոտան և Գանձակի կես բոտան, կլինի ընդամենը 11 ու կես բոտա: Այդ միջոցին կրկին անգամ բազմաթիվ պատգամավորներ զանազան գյուղերե եկան ինձ խնդրելու, որ օգնության գամ Ջանգեզուրին, քանի որ նա կգտնվի թուրքական անմիջական սպառնալիքի տակ, և որ ժամեժամ կսպասվի թուրքերու հառաջխաղություն և քաղաքի անձնատվություն, որ Ջանգեզուրի շրջանի՝ ներկայացուցիչների՝ ժողովը միաձայն որոշած է կովել, որ այդպիսի որոշում է տված և Ղափանը: Կրկին մեկնելով Գորիս, այնտեղ հայտարարեցի մոբիլիզացիա 20–45 տարեկաններու: Թե՛ Միսիանի, թե՛ Ջանգեզուրի և թե՛ Ղափանի մեջ ժողովուրդի տրամադրությունը բարձրացավ: Բարձրացավ մանավանդ, երբ լուր ստացվեց, որ Հունաստանը միացած է դաշնակիցներուն, որ Բուլկարիան զինաթափ է եղած, որ Չաթալձան կոմբակոծվի, որ թուրք գորքերը կքաշվին թե՛ Բաքվի և Պարսկաստանի ֆրոնտը:

Միսիանի և Ջանգեզուրի շրջաններու մեջ ուժերը դասավորված են հետևյալ կերպով.

Միսիանի պաթոլիոնի ...³¹

1-ին բոտա Գյումրի-Գժաձոր <1 անընթ.>

2-րդ Բազարչայ

3-րդ 1/2 Բազարչայ, 1/2 Ղալաճրդ

4-րդ բոտա՝ Բնունիս Ալելու – Թագազյուղ <1 անընթ.>

5-րդ Ղարաքիլիսե

6-րդ Բոնակոթ

7-րդ կազմվելու վրա է

Իսկ Ջանգեզուրի

1-ին դիրք Թալվա Չոկար 1 բոտա 1 ծեր ստունի

Բոնած դիրքեր

2-րդ Բայանդուր 250 34

Խազնավար

Խանձրդ

3-րդ Տեղ 2 բոտա 1

4-րդ Կորինձոր 1/2 բոտա 1

³¹ Գրել է հրամանատարի անուն-ազգանունը և ջնջել:

5-րդ Խնձորեսկ $1/2$ բոտա 1

6-րդ Քարաշեն 420

<1 անընթ.>

7-րդ <1 անընթ.> 1 16

8-րդ Խազալկապ 40 11

9-րդ Յան Թեփե

Յաշ Թեփե 172

Կա նաև 2 դաշտային թնդանոթ, 400 <1 անընթ.>-ով և 8 փուլիմյոթ, միայն շատ կնեղվենք պատրոնի պակասութենեն, եթե որևէ անհաջողություն լինի, պատճառը միայն այդ պիտի լինի:

Այժմ կգտնվիմ Գորիս, չեմ գիտեր ուրիշներ ինչ կխորհին, և կենթադրեմ, թե իմ ըրածի մասին լավ չեն խորհիր ու խոսիր. բայց անհամեստություն չի լինի, եթե հայտնեմ ոչ միայն իմ, այլ ամբողջ Ջանգեզուրի, Ղափանի և Միսիանի Ազգային խորհուրդի և մանավանդ հայ ժողովուրդի համոզումն է, որ եթե մինչև այսօր թրքական որևէ ուժ չէ մտած Ջանգեզուրի կամ Միսիանի կամ Ղափանի շրջանը, այդ բանը արդյունք է միայն իմ և իմ գորամասի ներկայության այդ շրջաններու մեջ: Ինչպես անցյալի մեջ, գորամասի ավելի արդյունավոր գործողություն ունենալու արգելք է հանդիսացեր 1-ին՝ գաղթականությունը, 2-րդ տեղական կազմակերպություններու թերությունն ու անգործունեությունը, թուլությունը այսօր ևս այդ երկու գործոնները մեծ չափով արգելք են արդյունավետ գործունեության: Ջանգեզուրի և Միսիանի շրջանին մեջ տասնյակ հազարավոր տաճկահայ, ռուսահայ, նախիջևանցի գաղթականությունը մերկ ու սոված թափված են դաշտերու, ձորերու մեջ: Ներկա ցուրտ եղանակին հազարավոր գաղթականություն մնացած է, չէ տեղավորված և ոչ մի ապահովություն չունի վաղվա ուտելիքի մասին: Օրական հարյուրով կմեռնին անտեր և կմնան անթաղ, որոնց հանդեպ, պարզ է, որ անտարբեր չեմ կարող մնալ: Արդյո՞ք չկա՞ որևէ կազմակերպություն, որ օգնության հասներ այս շրջանը մնացած 12-14 հազար գաղթականության, որը անպայման կմահանա, եթե օգնություն չհասնին շուտով:

Երևանեն հայությունը դուրս չելելով իր կաշիեն և Բաթումի դաշնագրեն չուզեր ոչ մեկ օգնություն ցույց տալ այս շրջանի գաղթականության և կապ պահել այստեղի կազմակերպություններու հետ: Կարծեք այստեղի հայությունը խորթ լիներ: Նույնիսկ այստեղեն ղրկված հատուկ պատգամավորին (Արտակ Շիրինյանին) պատասխաններ էին, թե «պետք է ամեն զիջում ընենք, նույնիսկ զինթափ լինենք և զանք հեռացնենք Անդրանիկին», իսպառ թաշենք այդ հայության վրա և մերժեց ռազմամթերքի և այլ օժանդակության մասին կատարված պաշտոնական դիմումը: Ահա այս տեսակ ցինիկ և ստրկական խորհուրդներ տալե վերջ այդ հայկական կառավարությունը այսօր միայն լայն օրերուն կանդրադառնա Ղարաբաղի վրա և կուզե տեղական զինվոր. Կազմակերպություն հառաջացնել Ղարաբաղի մասին Ադրբեյջանի հետ բանակցություններ կատարելու ժամանակ ռեալ ուժերու վրա հենվելու համար, մի բան, որու համար ուշացեր է: Իսկ տեղական կազմակերպություններու գործունեությունը բոլորովին անբավարար, անբնական է, ամբողջ հոգար ծանրացած է իմ վրա: Ոչ մի եռանդ և զոհաբերության զգացմունք չի նշմարվիր այս

ժողովուրդի և ղեկավարներու մեջ: Դուրսեն գորամասիս համար ոչ մի կոպեկ օգնություն չեմ ստացած:

Լսեր և կարդացեր եմ, որ, անշուշտ, կարճամիտ և կամ քինախնդիր նախանձոտ դիվանագետներ ինձ կմեղադրեն Լոռիի և Նախիջևանի հայության պատահած դժբախտություններու պատճառով: Այդ մարդիկը, չեմ գիտեր, Բաքվի, Գյոքչայի, Ղարսի, Բերկրիի, Վանի շրջանի և ամբողջ տաճկահայության գլուխն եկած փորձանքներուն ու արհավիրքներուն համար ալ մի թե ինձ մեղավոր չեն համարեր: Այդ ամենքի մասին ունիմ իմ փաստաթղթերը, բացի անոնցմե, որոնք արդեն հրատարակված են:

Երկու անգամ է Շուշուց սուրհանդակ և նամակ կատանանք. այնտեղ միշտ սպասող են մեզ. Շրջանին մեջ՝ Հաղորդի ճանապարհին, Ճարտար ուղարկեր են թուրքական 400 զինվոր՝ 4 թնդանոթով և փուլեմյոթով ճնշելու: Բայց հայերը Սոկրատ բեկի ղեկավարությամբ զանոնք բոլորը կոտորած, և՛ թնդանոթները, և՛ փուլեմյոթները գերած են:

Արտաքին աշխարհեն ստացված լուրերը ցույց կուտան, թե պատմական բոլակներ է, որ կանցնինք, ամեն կողմ՝ Շուշի, Նախիջևան, Մեղրի, Տաճկահայաստան, գործունեության համար ֆրոնտ ունինք, և եթե այս բոլակիս չարժվինք, ապագա սերունդները մեզ պիտի դատապարտեն, դժբախտաբար, սակայն, ժողովուրդը և իր ղեկավարները թե՛ գաղթականության և թե՛ գործի հանդեպ այնպիսի հանցավոր անտարբերություն ցույց կուտան, որ ուղղակի վհատեցուցիչ է: Երբեք բոլակն չեն ըմբռնած, կարծեք:

Համենայն դեպս, շուտով կշարժվիմ Շուշի՝ այնտեղի դրությունը շտկելու համար, իսկ անկե վերջ ոչինչ կարելի չէ ըսել և նախատեսել: Կսպասիմ դեպքերուն, կամ թե չէ շուտով բախտը կունենամ ձեզ տեսնելու:

Բայց ինձ համար մեծագույն անբախտություն է, որ աշխարհե կտրված ենք, ոչ ուրիշներ մեր գործունեութենեն տեղեկություն ունին, ոչ ալ մենք ուրիշներուն գործունեութենեն: Եվ միակ մտահոգությունս է, որ մեր պոռնիկ, ստրկացած դիվանագետները այս անգամ ևս չպաշտպանեն տաճկահայ դատը, և այդ դժբախտ ժողովուրդի այնքան արյունն ու տառապանքը և խոյանքները մնա անհետևանք, և անոնց դիակներու կույտին ու վշտին վրա ուրիշներ, շահագործողներ կերտեն իրենց դիրքը, փառքը:

ՀԱՍ, ֆ. 370, ց. 1, գ. 8, թ. 1-6: Ինքնագիր:

- 5 -

1919, փետրվարի 3 [Գորիս]

Սիրելի Հովհաննես³²,

Ղափանի ֆրանսիական պղնձի ընկերության տնօրեն պ. Ռոպեկի միջոցով որկված 21/1 թվակիր նամակդ ստացա³³:

³² Նամակը գրված է « Начальник армянского особого ударного отряда » բլանկի վրա:

³³ Նամակը չի պահպանվել:

Այդ նամակիդ արդեն պատասխանած եմ և դրկած Երևանի գծով Ա. Մա-
սունիի միջոցով:³⁴

Օգտվելով պ. Ռոպենի վերադարձեն, կերկրորդեմ նամակս:

Պարզ է, որ այսքան հոգնություններե վերջ անհրաժեշտ է, որ հանգստա-
նամ: Այստեղի շրջանի ժողովուրդի թե՛ անտարբեր վերաբերմունքը և թե՛ ըն-
չասեր և այլասերված բարքը այլևս հնարավոր չեն դարձներ ինձ մնալ այս
շրջանները: Երևակայեցեք, որ Շուշիի և Ղարաբաղի ինտելիգենցիան, դրամի
սիրույն մտեր է ադրբեջանական կառավարական պաշտոնեության դասին
մեջ, այդ կերպով թույլ տալով Ադրբեջանին հայտարարելու, որ հայերը կըն-
դունեն Ադրբեջանին ենթարկվիլ և հպատակվիլը:

Մեկ խոսքով անհնար է այլևս գորամատույն կարենամ մնալ այս շրջանը:
Հետևաբար որոշեցի մեկնել Ջանգեզուրից, անցնել Միսիան և այնտեղ քանի
մը օր մնալե վերջ՝ անցնել դեպի Նոր-Բայազետ, Ղարաքիլիսա ու ցրել բանա-
կը:³⁵

Ղարաքիլիսե հասնելուս մտադիր եմ հրավիրել քեզ գալ Ղարաքիլիսե.
կիռուսամ, որ հրավիրելուս չես ուշանար գալ: Կրկին անգամ կանդրադառնամ
գաղթականության շուրջ, որոնք թվով 22.000 այսօր սովի ու մահվան սպառ-
նալիքի առաջ կանգնած են. անհրաժեշտ է անոնց հասցնել շուտափույթ օգ-
նություն, այլապես բոլորն ալ կկոտորվեն:

Նույն դրությունը կտիրե նաև Գողթանի գավառի մեջ, թուրքերը փակած են
թե՛ դեպի Օրդուբաթ-Մեղրի գնալու ճանապարհը և թե՛ դեպի Նախիջևան: Այս
կերպով Գողթանի 12.000 ժողովուրդը, հաղորդակցութենե բոլորովին կտրված
և արտաքին աշխարհե մթերք ստանալու հնարավորութենե զրկված, սովա-
մահ լինելու վտանգին են ենթարկված: Մինչև հիմա, համաձայն իրենց ներկա-
յացուցչի հայտարարության, 150 հոգի մեռած են սովից:

Չափազանց անմխիթարական է և Միսիանի ու Ջանգեզուրի գաղթակա-
նության դրությունը, եթե չասեմ հուսահատական, ո՛չ փող ունեն և ո՛չ ալ, եթե
փող իսկ ունենան, մթերք կա գնելու:

Ներփակ Ձեզ ուղարկում եմ Գորիսում հրատարակվող «Որոտան» թերթի
մի օրինակը, ուր տպագրված է Բաքվից գեներալ Բագրատունիի միջոցով՝ հօ-
գուտ Ջանգեզուրի և Ղարաբաղի գաղթականության ստացած 600.000 ռուպլի
գումարի հաշվետվությունս:³⁶

³⁴ Նամակը չի պահպանվել:

³⁵ 1919 թ. փետրվարի – մարտի վերջերի պատմական դեպքերն ու անգլիական դիվանա-
գիտության՝ ի վնաս հայ ժողովրդի վարած քաղաքականության հետևանքով ստեղծված ռազ-
մաքաղաքական իրադրությունը փոխում են Անդրանիկ գորավարի ծրագրերն ու նրա գորամասի
գործողությունների ընթացքը: 1919 թ. ապրիլի 2-ին նա թողնում է Ջանգեզուրը: Ղարաքիլիսա
մեկնելու մտադրությունն այդ պահին չի իրականանում:

³⁶ Խոսքը «Որոտան» թերթի 1918 թ. հունվարի 26-ի համարի մասին է, որը հետաքրքիր
փաստաթուղթ է Անդրանիկի Ջանգեզուրում ծավալած գործունեության մասին. այն հաստատում
է Անդրանիկի նամակում շարադրվածի ճշմարտությունը, ներկայացնում գորավարի
հաշվետվությունը: Հրատարակված են Անդրանիկի բնավորության մարդկայնությունն ու
ազնվությունը վկայող, նրա մարդասիրության հետաքրքիր օրինակներ, նյութեր ու փաստեր:
Թերթի այդ համարը պահվում է Թումանյանի թանգարանում:

Այդ 600.000 ռուպլիեն զատ նույն միջոցով ինձ ուղարկված էր նաև 400.000 (չորս հարյուր հազար ռուպլի) զորամասի կարիքներու համար և որուն կեսեն ավելին արդեն մի ամսվա ընթացքին ծախսված է:

Անշուշտ, պ. Ռոպենը այստեղի դրության մասին մանրամասն տեղեկություն կուտա: Այդ տեղեկությունները տված կլինեն նաև, անշուշտ, բժիշկ Ռուբենն³⁷ ու մայրը Կիպոն³⁸:

Երեկ այստեղ ինձ մոտ եկավ նաև անզլո պատերազմական թղթակից պ. Սկոտլանտ Լիտելը, որը մեկնեցավ արդեն Շուշի, Բաքու:

Ազգի համար կոկորդիլոսի արցունք թափող և ազգի ցավերով տառապող պարոնները հիմա այ վազեցին Փարիզ³⁹:

Բարևներս բոլոր տնեցիներուն և հարցնողներուն:

Համբույրներով՝ Անդրանիկ

ԳԱԹ, ԹՖ, -890 (501): Ինքնագիր:

- 6 -

1919, փետրվարի 16 [Գորիս]

Միրելի Հովհաննես⁴⁰,

Չորամասի բժ. Ռուբենը Ձեզ հանդիպեր էր, բայց դժբախտաբար չէր տեսած, անշուշտ, մեր մասին տեղեկություններ հաղորդած կլինի ֆրանսիական ընկերության տնօրեն պ. Ռոպենը:

Կհուսամ, որ նա Թիֆլիս եկած և Բարիզ մեկնած կլինի. այդ մասին ինձ իմացուցեք:

Ես այ առ այժմ այստեղ եմ, մի 20-30 օր ես:

Առողջությունս լավ է. կհուսամ Դուք այ լավ եք:

Համբույրներով՝ Անդրանիկ

ԳԱԹ, ԹՖ, -891 (502):

³⁷ Ռուբեն Տեր-Մինասյանը Անդրանիկի և նրա զորամասի բժիշկն էր:

³⁸ Կորնել Կիպոնը (Գիբբոն) Անդրկովկասում անգլիական ներկայացուցչության հազարավետն էր:

³⁹ Նկատի ունի Ավ. Ահարոնյանի նախազանրությամբ Փարիզի խաղաղության վեհաժողովին մասնակցելու մեկնած պատվիրակությանը, որի կազմում էին Ալ. Խատիսյանը, Արմեն Գարոն և ուրիշներ:

⁴⁰ Նամակը գրված է «Начальник армянского особого ударного отряда» բլանկի վրա:

– 7 –

1919, ապրիլի 19, Էջմիածին

Միրելի Հովհաննես⁴¹,

Էջմիածնում գտնվում եմ իմ գորամասով: Եթե հարմարություն ունիս, արի այստեղ, ցանկանում եմ քեզի տեսնել:

Գեներալ-մայոր Անդրանիկ

ԳԱԹ, ԹՖ, -892 (503):

– 8 –

1919, մայիսի 11, Բաթում

Միրելի Հովհաննես⁴²,

Թիֆլիսեն մեկնելիս՝ մեկ օրեն հասա Բաթում:

Այստեղ կսպասենք դեռ նավու, ձիս ու մասս մը իրեղեններ արդեն դրկեցի Վառնա, իսկ մենք երևի դեռ մի քանի օր կսպասենք մինչև մեզ տանող շոգենավի գալը:

Շատ ու շատ բարևներ բոլորին
սիրով՝ Antranik
Անդրանիկ

Հ. Գ. Քեֆ անողին քեֆ չի պակսիր. դերդ անողին դերդ չի պակսիր. աշխարհը այսպես եկեր, այսպես կերթա:

ԳԱԹ, ԹՖ, -893 (504): Ինքնագիր

– 9 –

1919, մայիսի 14, Բաթում

Միրելի Հովհաննես⁴³,

Արդեն շոգենավի խնդիրը վերջացավ: Կմեկնենք իտալական շոգենավով. միասին կուզան գեներալ Տոմսոնը⁴⁴, Միք. Պապաջանյանը և Կորնել Կիպոնը:

⁴¹ Նամակը գրված է «Начальник армянского особого ударного отряда» բլանկի վրա:

⁴² Նամակը գրված է «Начальник армянского особого ударного отряда» բլանկի վրա:

⁴³ Նամակը գրված է «Начальник армянского особого ударного отряда» բլանկի վրա:

⁴⁴ Տոմսոնն Անդրկովկասում անգլիական ներկայացուցչության ղեկավարն էր:

Երևի լավ շրջանակ և գեղեցիկ ճամփորդություն կունենանք. օրն ալ կխոստանա լավ լինել⁴⁵:

Հատուկ հարգանքներս մայրիկին. տիկնոջ և օրիորդներուն:

Ցտեսություն
Համբույրներով՝
ձեր Անդրանիկ

ԳԱԹ, ԹՖ, -894 (505):

– 10 –

1919 նոյեմբերի 10, Փարիզ

Միբելի Հովհաննես Թումանյան⁴⁶,

Միբելի՛, Եղիշեն և Չաքեյան ուղարկեցինք Կովկաս պաշտոնով⁴⁷:

Մանրամասնությունք կպատմե քեզ բերանացի: Ամսույս 12-ին գեներալ Բագրատունիի հետ կմեկնինք Ամերիկա⁴⁸: Իմ առողջությունս այնչափ ալ լավ չէ: Եղիշեին բարոյական աջակցությունդ չխնայես:

Հարգանքներս տիկնոջ և օրիորդներուն, սիրալիր բարևներս քեզ և զավակներուդ:

Ինչպե՞ս, երևանյան տիրոջ կառավարությունը հոգնեցա՞վ, թե՞ կշարունակե իր համառությունները ...

Այդ բոլորի մեջ կցավիմ Խատիսյանին⁴⁹:

Եթե շարունակեն այդ մտայնությամբ տանել ընդհանուր ազգի գործը, քիչ ժամանակեն բնական մահով պիտի մեռնին, և տուժողը պիտի լինի մեր ժողովուրդը: Նույն մտայնությունն է նաև հոս, բայց կլինի մի ամիս, որ բավական զիջած են և իրենց ըսածին նայելով՝ մի կոպեկ էլ չունին: Փող պիտի կտրեին՝ դարձյալ ժողովուրդին կողոպտելու համար, սակայն այդ էլ չհաջողվեց:

Բարևներս պ. Կիկային և հարգանքներս իր տիկնոջ:

Անդրանիկ

Հ. Գ. «Դարդ ընտղին դարդ չի պակսիր, քեֆ ընտղին քեֆ չի պակսիր»:

Դե՛հ, գինիները լեցուցեք և իմ կենաց խմեցեք: Իմ կողմես մայրիկիդ ձեռքը համբուրես. բարևներս հարցնողաց:

Նույն

ԳԱԹ, ԹՖ, -896 (506):

⁴⁵ Անդրանիկը Փարիզ է մեկնել մայիսի 15-ին: Մի քանի տեղ կանգ է առել և ջերմ ու հանդիսավոր ընդունելությունների արժանանալուց հետո Փարիզ է հասել հունիսի 4-ին:

⁴⁶ Գրված է «Ноты Метрополе, Paris» բլանկի վրա:

⁴⁷ Անդրանիկի քարտուղար Եղիշե Քաջունին և Չաքիյանը գորավարի ջանքերով Կովկաս էին գործուղվել Փարիզում կազմակերպված հանգանակության գումարներով տեղի գաղթականությանն օգնելու նպատակով:

⁴⁸ Ամերիկա է ժամանել նոյեմբերի 23-ին:

⁴⁹ Ալ. Խատիսյանն այդ ժամանակ Հայաստանի Հանրապետության վարչապետն էր: